

Broj: 02-11-4-199-17/22  
Sarajevo, 21.03.2022. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05) i člana 100. stav (3) Zakona o javnim nabavkama („Službeni glasnik BiH”, broj: 39/14), postupajući po Rješenju Ureda za razmatranje žalbi Bosne i Hercegovine, broj: JN2-03-07-1-515-7/22 od 17.03.2022. godine, rješavajući po žalbi ponuđača „TOTAL TRADE” d.o.o. Doboj izjavljenu na Odluku o izboru najpovoljnijeg ponuđača za nabavku usluga autoservisa i opravka motornih vozila i zamjena potrošnog materijala za period privremenog finansiranja Federacije Bosne i Hercegovine, januar – mart 2022. godine, broj: 02-11-4-199-10/22 od 10.02.2022. godine, federalni ministar raseljenih osoba i izbjeglica **donosi**

### **RJEŠENJE O USVAJANJU ŽALBE**

1. **Usvaja se u cjelosti** žalba ponuđača „TOTAL TRADE” d.o.o. Doboj izjavljena Federalnom ministarstvu raseljenih osoba i izbjeglica (u daljem tekstu: Ugovorni organ) na Odluku o izboru najpovoljnijeg ponuđača za nabavku usluga autoservisa i opravka motornih vozila i zamjena potrošnog materijala za period privremenog finansiranja Federacije Bosne i Hercegovine, januar – mart 2022. godine, broj: 02-11-4-199-10/22 od 10.02.2022. godine, **kao osnovana.**
2. **Poništava se** Odluka o izboru najpovoljnijeg ponuđača za nabavku usluga autoservisa i opravka motornih vozila i zamjena potrošnog materijala za period privremenog finansiranja Federacije Bosne i Hercegovine, januar – mart 2022. godine, broj: 02-11-4-199-10/22 od 10.02.2022. godine i postupak javne nabavke se vraća u fazu evaluacije ponuda u dijelu ocjene neprirodno niske ponuđene cijene.
3. Ovo Rješenje stupa na snagu danom donošenja, objavit će se na web stranici Ugovornog organa, istovremeno s upućivanjem istog svim ponuđačima koji su učestvovali u predmetnom postupku javne nabavke.

### **Obrazloženje**

Ugovorni organ pokrenuo je postupak javne nabavke - konkurentski zahtjev za dostavu ponuda za nabavku usluga autoservisa i opravke motornih vozila i zamjene potrošnog materijala za potrebe Federalnog ministarstva raseljenih osoba i izbjeglica (dalje: Ugovorni organ), za period privremenog finansiranja Federacije BiH, januar-mart 2022. godine, evidencijski broj nabavke: 02-11-4-199-3/22, broj Obavještenja o nabavci sa portala javnih nabavki: 668-7-2-8-3-21/22.

Nakon provedenog postupka, Ugovorni organ donio je Odluku o izboru najpovoljnijeg ponuđača za nabavku usluga autoservisa i opravka motornih vozila i zamjena potrošnog materijala za period privremenog finansiranja Federacije Bosne i Hercegovine, januar – mart 2022. godine, broj: 02-11-4-199-10/22 od 10.02.2022. godine.

Ponuđač „TOTAL TRADE” d.o.o. Doboj, izjavio je žalbu na gornju Odluku, koja je Zaključkom Ugovornog organa, broj: 02-11-4-199-13/22 od 17.02.2022. godine odbačena kao neblagovremena.

Na gornji Zaključak, ponuđač „TOTAL TRADE” d.o.o. Doboj, uložio je žalbu i ista je prosljeđena Uredu za razmatranje žalbi Bosne i Hercegovine na nadležno postupanje.

Ured za razmatranje žalbi Bosne i Hercegovine donio je Rješenje, broj: JN2-03-07-1-515-7/22 od 17.03.2022. godine, kojim je usvojio žalbu ponuđača „TOTAL TRADE” d.o.o. Doboj, poništio gornji Zaključak Ugovornog organa i predmet vratio Ugovornom organu na ponovni postupak razmatranja žalbe na Odluku o izboru najpovoljnijeg ponuđača, broj: 02-11-4-199-10/22 od 10.02.2022. godine.

Žalitelj u svojoj žalbi, između ostalog, navodi da je Ugovorni organ „prema ZJN BiH, član 66. (neprirodno niska ponuđena cijena) i članom 18. pod I) Uputstva za pripremu modela tenderske dokumentacije i ponuda bio dužan da od prvoplasiranog ponuđača traži pojašnjenje neprirodno niske cijene, s obzirom da je ponuda prvoplasiranog ponuđača nekoliko puta niža od ponude drugoplasiranog ponuđača Total trade, a ne zakonom predviđenih 30%, te da istu evidentira i dostavi u Zapisniku o pregledu i ocjeni ponuda. Na osnovu zaprimljenih dokumenata, Zapisnik o pregledu i ocjenu ponuda, Obavještenja o rezultatima postupka javne nabavke, Odluka o izboru najpovoljnijeg ponuđača, vidljivo je da ugovorni organ nije proveo proceduru u skladu sa ZJN BiH i navedenim članovima. Žalilac

izjavljuje žalbu, te predlaže da Ugovorni organ donese odluku kojom će poništiti nezakonitu Odluku o izboru najpovoljnijeg ponuđača, te istu vratiti komisiji za ocjenu i pregled ponuda na ponovnu analizu".

Prije nego se upustio u meritorno odlučivanje, Ugovorni organ je ponovo pristupio provjeri formalnih pretpostavki za izjavljivanje žalbe, te je utvrdio da je, pored ocjene Ureda za razmatranje žalbi Bosne i Hercegovine o blagovremenosti izjavljene žalbe, ista dopuštena i izjavljena od strane ovlaštenog lica.

Ugovorni organ je razmotrivši žalbu pažljivo, uzimajući u obzir sve žalbene navode, te nakon detaljnog ponovnog uvida u spis postupka nabavke, utvrdio da je prilikom evaluacije ponuda učinio propust na način da nije u obzir uzeo odredbe člana 66. Zakona o javnim nabavkama i člana 17. stav (7) Uputstva za pripremu modela tenderske dokumentacije i ponuda („Službeni glasnik BiH”, br. 90/14 i 20/15).

Žalba je osnovana.

U ponovnom postupku poređenja cijena ponuda, konstatuje se da je ponuđena cijena prvorangiranog ponuđača za više od 20% niža od ponuđene cijene drugorangiranog ponuđača, a za što je nesporno, Ugovorni organ bio obavezan tražiti obrazloženje nenprirodno niske cijene od prvorangiranog ponuđača.

Uzimajući u obzir naprijed navedeno, riješeno je kao u dispozitivu ovog Rješenja.

**Pouka o pravnom lijeku:**

Protiv ovog Rješenja, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



MINISTAR

dr.sci. Edin Ramić

Dostaviti:

1. Svim ponuđačima u postupku
2. Komisiji za nabavke
3. a/a